

國朝宮史續編

國朝宮史續編卷之三十五

典禮二十九 勤政五

御殿傳臚儀

臣等謹案前編具載

殿試前列十卷進呈

欽定按名引

對翼月

御太和殿傳臚茲恭輯臚唱儀注並稽乾隆二十

七年以後疊奉

聖諭屏談頌之習嚴畫試之程所以逮真材期實用  
者又常於

聖製篇什暨

皇上御製詩見其義焉至

紫光閣武試乾隆五十五年庚戌迄六十年乙

卯恭遇

臨軒校閱之日

皇上暨諸皇子皇孫奉

命親試騎射以昭

家法而示鵠程洎嘉慶丙辰迄今乙丑已閱五科  
鴻化作人干城並重事關舉典謹依例具續於編

乾隆二十八年四月二十四日奉

諭旨嗣後殿試進呈十卷不必豫拆彌封候朕閱定  
後再行按名傳齊帶領引見

三十六年四月二十四日奉

諭旨前因殿試對策貢士等多用頌聯甚非先資拜  
獻之道屢經降旨飭禁今日請卷諸臣將擬定十  
卷進呈閱其文詞仍未免頌多規少其間且有語

涉瑞應者朕意深為不取夫文章華實不同即繫  
士習淳漓之辨貢士等進身伊始若徒撝撝浮辭  
習為諛頌豈敦尚實學本意現就各卷中擇其立  
言稍知體段不致過事鋪張者拔列前茅其指詞  
近浮及引用字句失當之卷酌量抑置以昭激勸  
並將此旨通行曉諭知之

四十六年四月二十五日奉

諭旨向來殿試新進士有至次早始交卷者雖伊等  
草茅新進對揚之始未免矜持但考試給燭最滋

樊竇至於連宵達旦則更長人倦防閑更未能周  
且朝考例作四題尚不過日入完場而殿試對策  
一道窮日之力寫作已可從容何必焚膏繼晷始  
得成章乎况殿廷重地尤宜謹慎嗣後殿試交卷  
至遲亦以日入為度不得仍准給燭其不能完卷  
者仍准列入三甲末士子等各宜自勉以副朕別  
獎達才之至意

五十四年四月十二日奉

諭旨新進士殿試著在保和殿考試所有豫備茶水

等事不必護軍校尉人等伺候即照正大光明殿  
考試之例令太監等經營光祿寺亦毋庸豫備飯  
食朝考即照此辦理

臚唱之制讀卷翼日所司陳鹵簿於

太和殿前設中和韶樂於

太和殿檐下丹陛大樂於

太和門內設黃紫一於

殿內東楹南北肆一於丹陛上正中東西肆設

雲盤於丹陛下設采亭御仗鼓吹於

午門外記注官四於

殿內西極後班立王公以下侍班各官朝服序立陪位如常儀大學士一人立

殿外東檐下禮部尚書一人立大學士之次宣制官一人立東樂懸之南均西面傳臚官立丹陛西階每成一人均東面內閣官奉黃榜設

殿內東案讀卷官及執事官集東丹墀內諸貢士公服會



午門外鴻臚寺官引入按名次奇偶序立東西  
丹墀之末屆時禮部堂官詣

乾清門奏請

皇帝禮服乘輿出宮禮部堂官導引

皇帝御太和殿升座中和韶樂作奏隆平之章樂  
止階下鳴鞭三丹陛大樂作奏慶平之章鳴  
贊官贊進鴻臚寺官引讀卷執事各官就拜  
位贊行三跪九叩禮興退復位樂止大學士  
進

殿左門詣東案前奉黃榜出授禮部尚書陳於  
丹陛案三叩興避立於左鳴贊官贊齊班丹  
陛大樂作序班官東西分引諸貢士就拜位  
重行北面立贊宣

制諸貢士跪樂止宣

制曰某年月日策試天下貢士第一甲賜進士及  
第第二甲賜進士出身第三甲賜同進士出  
身宣畢傳臚官唱第一甲第一名某以次接  
傳至丹陛下序班官引出班次就

御道左跪第二名就道右稍次第三名就道左又  
次皆臚傳者三次唱第二甲某等若干名第  
三甲某等若干名不引出班樂作諸進士聽  
贊行三跪九叩禮興退復位樂止贊舉榜禮  
部尚書進就榜案前跪奉以興降自中階禮  
部官承以雲盤十人前引張黃蓋出

太和門中門一甲三名進士隨出諸進士左出  
昭德門右出

貞度門階下鳴鞭三中和韶樂作奏顯平之章

以上禁章禮部堂官奏禮成均具會典

皇帝啓座乘輿還宮

聖製傳臚日作癸未

中和樂奏旭光昕臚唱金階燦五雲雖是三年例一  
舉誠期多士致超羣家修廷獻原存行黻責實循名  
詎止文似矣榮辭勉從政佐予敷治萬民欣

聖製御殿傳臚詩丙戌

三年一舉右文儀未可尋常例視之衆對策皆據所

學親掄頌在不忘規

昨閱前列十卷親為掄定條對雖皆詳贍而原擬之第六卷尚

知頌不忘規或逢甘雨隨金榜望雨且喜微風靖綵

旗必有真材濟實用殷吾渴念竚於茲

聖製御殿傳臚六韻 辛丑

龍虎傳臚唱

是日恰辰

太和曉日瞰國朝經百載春榜

得三元

我朝開國百四十年以來會狀聯元及鄉試

試榜發第一名之錢祭即鄉試解元及廷對文運風

又復舉者

不特科名之盛亦硯文運之隆云

雲壯清時禮樂蕃載咨申四義

昨策士以愛民勤政吏治民風學術真偽

弼教協中敷奏近千言詎止求端楷

廷試對策請卷

四條為問敷奏近千言詎止求端楷

取書寫端楷者擬置前列錢祭此卷列於第四因其

條對較諸卷詳切特拔第一既而開彌封視之乃知

其為會所期進謹論王曾如可繼違弼我心存

御製御殿傳臚作丙辰

丙辰顯俊典依前教養菁莪六十年以丙辰皇父

建元特開恩科六十年間會榜共二十七次今

承恩旨以丙辰為嘉慶元年仍命依

例開科勉承久道化咸之教嘉惠士林也

壽宇作人昭化洽金階選士聽臚傳榜懸龍虎形墀

直雲護旌旗紫軟連文楷佳名期雅正為霖渴

望副求賢科場文體期於雅正本利狀元為趙

濟時克協求賢盛典於多士有厚望焉

御製御殿傳臚作壬戌

大典掄魁重士林臚傳特進廣廷琛雙元獨冠

三吳彥

今歲鼎甲三人皆係江蘇狀元吳廷琛則會試第一名及第庶異日卓有表見

人稱名榜足副予渴賞之願則與多士共勉之萬選都由一念欽經正

民興邪自熄道隆化樸理誠深慚予薄德臨天

下若渴求賢望作霖

紫光閣閣武試儀

議其前編

聖製紫光閣閣武舉詩

丙戌

大會春場武會秋初冬親試技觀尤干城固繫心所

蘊扛石原分力不侔捨此亦無他術取掄今或備異  
時酬臨軒惟冀真才得詎止區區典故修

嘉慶十年十月二十日奉

諭旨本日朕御紫光閣閱看會試中式武舉馬步  
箭中者甚少弓刀石俱屬平常姑就其技藝稍  
可者照例分別錄用惟內有湖南省武舉譚恩  
崇廣東省武舉鄧天保二名照所註弓力試看  
俱不能開似此技藝庸劣前此會試及覆試時  
如何閱看殊屬草率又有安徽省武舉孫文湧



一名於開試十二力弓後忽又跪奏乞恩當命  
王大臣向其詢問據稱求再賞開十四力之弓  
等語尤屬膽大冒昧該武舉既能開十四力之  
弓何以不於會試覆試時求請開試乃敢於朕  
前率行陳請實屬從來未有之事此三人本應  
俱罰停殿試念係初次違式干冒伊等草莽新  
進姑不加以責備所有譴恩崇等三名已加恩  
仍以衛守備錄用矣至武會試掄才大典監試  
覆試均應認真校閱其技藝平常者宜應濫行

與達二阿哥初次派令覆試已著軍機大臣面  
行傳旨申飭其餘會試時校看武舉謔思棠之  
莊親王綿課尚書明亮校看武舉鄧天保之公  
綿佐尚書紉炳泰及派出覆試之成親王定親  
王綿恩協辦大學士費淳尚書長麟均著交宗  
人府吏部都察院分別察議嗣後若再有似此  
開弓違式並冒昧乞恩者本人均應罰停殿試  
其會試覆試派出之王大臣若不認真校看致  
朕親閱時有如謔思棠鄧天保二人之開弓違

式者一併交部議處

臣等謹案武科之設為取人供用之一途我朝選藝拔尤法良意美而於

親試鉅典除液壚之馳道張

武成之黃幄仰觀

天臨黼座衡品精詳果有翹關超距之英無不

奮前立見恭繹

高宗聖製詩暨近奉

皇上諭旨益以見立制之嚴明施

恩之廣大士有奮志功名之會者能勿以徽幸為  
戒而以赴桓自勵也哉

國朝宮史續編卷之三十六

典禮三十 勤政六

懋勤殿勾到儀

臣等謹案直省秋獻經九卿會議後各道御史覆奏請

旨勾到屆日

懋勤殿豫設

御案東向案陳黃冊又設低案一於

殿中西向一於

御案旁北向案設珠筆及硯

皇帝升座後內閣學士一捧案由名單匣由階中  
大學士捧覆奏本匣暨軍機大臣刑部堂官  
內閣學士等由階右記注官四由階左均趨  
入殿大學士等北向列跪記注官南向次立  
皇帝命大學士一人執筆就旁案跪展覆奏本內  
閣學士就中案跪啟匣舉奏案由八名

皇帝展開黃冊詳酌宥否其予勾者大學士舉硃  
筆加勾既畢黃冊授紅本處覆奏本匣發刑

科仍交刑部所有各儀前編具載臣等伏思  
好生之德帝王與天帝同量自乾隆二十七  
年迄五十九年中

恩予停勾者凡三次至六十年奉有

聖諭本年秋審人犯停勾而情節較重者軍機大臣  
會同部臣數辦以來歲丙辰即為

皇上御極初元若連歲停勾恐羣民不知畏法辟  
以止辟尤為仁至義盡也

皇上嘉慶元年暨三年四年九年

恩予停勾者凡四次謹錄先後所奉

聖諭

諭旨用昭

欽慎之心以著祥刑之典至辦理勾到處所在

圓明園則

御洞明堂

避暑山莊則

御依清曠殿

盛京則



御迪光殿以地非

中禁例不備書

乾隆二十七年十月十一日

上御懋勤殿勾到內閣大學士等而奉

諭旨國家秋讞大典上繫刑章下關民命慮時設  
情法未衷於至當何以昭弼教之用心每歲刑部  
進呈各省情實人犯招冊朕必將逐案事由一一  
披覽使獄情毫無遺漏而各案適輕適重入詳為  
稱量比擬有其跡雖涉疑似而情尚一線可原者

既於冊內折角存記即情罪重大於法萬無可貸  
不得已而予勾之案亦反覆推勘於所犯實款隨  
其節目次第折角及勾到前一日與臨勾之時必  
三經檢覈務得苗髮無疑然後予勾所謂求其生  
而不得則死者皆無憾也夫緩重犯須臾之命使  
被害者銜冤不得自申婦寺之仁刑官尚不應出  
此何況天下共主若以既麗三尺均屬應斷之刑  
而不為銖量權衡將案內細微同異之由並歸無  
憾則此輕掉之心已乖與衆共棄之本義此朕自

揣就純明慎固不肯稍存寬嚴之見即督撫九卿  
已數為擬議猶未敢稍緣固任者也第向來勾到  
事畢原閱招冊祇存貯內閣其問刑衙門不過與  
聞臨時商榷之言而先事全局折衷所以一再不  
釋者未能盡喻又何以定司憲之準所有本年各  
省情實招冊可於勾到後即發交刑部其迄今二  
三年內閣所貯冊一併檢發該部俾詳悉披覽因  
端領會庶幾體朕意以求協中則成績不為無助  
著為例

三十八年十月十七日奉

諭旨秋讞大典經九卿會覈定擬繕冊進呈朕親為  
再三披閱覈其情罪輕重分別勾存其稍有一線  
可原者必為求其可生之理予以停勾而實在情  
真罪當者亦不能曲法市恩稍存姑息以期無枉  
無縱並於勾到時將應勾應免之故詳晰諭示大  
學士刑部等官皆備聞之蓋以民命至重從不肯  
掉以輕心也第國家明罰勅法原以協刑期無刑  
之義今秋審招冊內情實應勾人犯每歲總不見

少豈朝廷之教化尚有未孚抑愚民罔知犯法之  
由輕蹈重辟乎古云刑人於市與衆棄之原欲使  
家喻戶曉共知儆畏令刑部及外省奉到秋審勾  
決之肯不過遵照辦理而其人之所以犯何罪律應  
正法之故民間不能周知無怪乎歲舉朋刑之典  
而犯法者仍衆也自當於秋後處決時將該犯必  
應正法情節摘出簡明數語揭示通衢俾愚民觸  
目警心庶不致輕罹法網但今年各省應勾人犯  
業經辦竣已屬不及著自朝審勾到為始大學士

會同刑部將予勾不予勾各犯並經朕酌覈情罪  
分別辦理之處節錄情由呈覽隨時榜示市曹俾  
衆知朕明慎用刑之意嗣後辦理各省秋審勾列  
時並著大學士刑部每次將各犯應勾應緩情節  
一體摘敘數語奏聞行知各該督撫於處決時出  
示曉諭以昭儆戒庶幾窮鄉僻壤皆知辟以止辟  
之意著為令

四十六年九月十一日奉

諭旨秋審勾到事件軍機大臣辦理較為熟諳著同

大學士一體承旨

五十五年七月二十九日奉

諭旨本年屆朕八旬萬壽自當照例將秋朝審情實人犯加恩停其勾決而刑部九卿科道等因係停勾之年於各省秋審朝審招冊案犯核議具題時想亦不過虛應故事未必照每年詳慎辦理但其中有情罪重大者如糾衆聚毆奪犯傷差妖言惑衆逞兇殘殺並官員侵漁帑項勒斂民財之類非殘忍不法即有關於民俗官方予以監候已屬法

外之仁使吏久稽顯戮不特死者含冤莫釋而秀  
民奸吏日久漸忘非所以肅刑章而昭炯戒刑部  
以為應仍入於秋審勾到者案本不多朕矜慎庶  
獄不厭詳推所有此次刑部另開情重各犯仍著  
會同九卿科道和衷研核倘有核其情節尚可緩  
至明年者九卿科道不妨切實指出簽商獄大  
典在常時尚宜詳慎況際此行慶施恩之時乎

六十年九月十八日奉

諭旨本年係停止勾決之年軍機大臣會同刑部將



秋審朝審各犯情罪尤重者照前例摘敘案由請  
旨另勾繕摺具奏朕詳加閱看內官犯六名情節  
皆不至甚重者仍牢固監禁俟丁巳年秋審時再  
行核辦

十一月二十七日奉

諭旨本年勾到朝審情實各犯黃冊內舊事至三十  
餘案人數甚多每年各該犯俱照例綁赴市曹仍  
概不予勾自應核其情節量為未減各犯有已過  
三次勾到情罪較重者著加恩改為監候牢固監

禁過赦不赦其已過三次勾到情罪稍輕者著加恩改為緩決將來遇應行減等之時仍照例辦理著大學士會同刑部秉公詳核分別定擬具奏以副朕清理庶獄至意

嘉慶三年八月初十日奉

諭旨現在辦理秋審詢據刑部本年情實人犯起數較少上年業將前兩次停勾各犯歸併勾到茲勦辦教匪大功屆竣諸事吉祥所有本年情實各犯著暫停勾俟明年再行歸併辦理此內

情節尤重者仍著該部照向例查明摘出開單  
具奏辦理

四年五月初二日奉

諭旨前曾推

皇考嘉惠士林至意仍舉行鄉會試恩科今恩祥刑  
之典為

皇考九旬萬壽應沛殊恩朕雖不獲申祝嘏悃忱仍  
當仰體

皇考法外之仁停辦秋獻俾得普沾

遺澤况雍正元年乾隆元年暨朕即位初元俱經停  
勾所有本年情實各犯著推恩停止勾決

五年三月初二日奉

諭旨每年刑部辦理秋審呈進黃冊俱係將各省  
情實官犯及服制人犯首先進呈一經分別予  
勾後該部即行文各該省不論遠近部文到日  
即遵照處決其餘常犯則按照省分遠近進呈  
黃冊以次勾到此向來辦理成例也惟念勅法  
明刑務存矜恤所有罪應斬絞人犯除立決外

餘令監禁俟秋後處決者原係於執法之中寓  
哀矜之意該犯等於未屈勾到以前或在監所  
病斃得免肆市亦屬法外之仁今因係官犯服  
制即將黃冊先行進呈其予勾人犯部文一經  
到省即日行刑是同一秋審而此等官犯服制  
較之各該省情實帶犯處決日期近省或早至  
一二月遠省或早至月餘及數旬不等先行受  
法且各省官犯中多有令其解交刑部監禁者  
例應歸入朝審辦理其勾到日期又在各省常

犯之後是同一官犯轉因解部監禁而處決日期較之在本省監禁候決文到施刑者又復遲早懸殊未為平允著自本年為始刑部辦理秋審其官犯服制黃冊無庸先期進呈俱於每次呈進各該省情實常犯招冊時將此二項人犯另繕黃冊列於常犯黃冊之前一併呈覽聽候勾到以示格外矜全用刑務得其平至意

九年七月二十七日奉

諭旨我國家重熙累洽世際承平從前康熙二十

三年

皇曾祖聖祖仁皇帝以歲逢甲子

渥沛恩綸停止秋審逮乾隆甲子再週

皇考高宗純皇帝式循

前典

解澤載數曾奉

特旨將是年情實人犯停止勾決茲又屆甲子紀年

朕紹承

洪緒宸寓恬熙允宜恪遵

成憲省歲恤刑所有本年朝審秋審各省情實人犯  
著加恩停其勾決

十年閏六月十七日奉

諭旨向例秋審朝審勾到日期均係在冬至十日  
以前本年秋季因上年停勾將所有人犯與本  
年新案一併辦理人數較多經長麟面奏合計  
勾到日期次數加增恐冬至十日以前辦理稍  
形迫促當即飭令刑部檢查舊案冬至前十日  
以內有無辦過現審重犯茲據刑部查明自乾



隆三十五年以後遇有現審立決人犯於冬至  
五日以前奏請處決者應次辦有成案冬至五  
日前既可辦理現審立決案件則秋審朝審勾  
決亦事同一例所有本年勾到日期著核計次  
數均擬定在冬至五日以前辦理完竣嗣後遇  
停勾之次年辦理勾決一年併辦兩年者即照  
此例以冬至五日前為斷如專辦本年者仍遵  
照舊例以冬至十日前為斷該門門載入會典  
則例遵行

九月初六日奉

諭旨朕閱各直省本年秋審人犯冊內由刑部改實為緩者三起而改緩為實者共有八十三起之多數省如出一律其故殊不可解外省辦案狃於救生不救死之說最為陋習令部改各案經朕一一詳閱情節多係按律改正均屬平允並非刑部堂官有意吹求朕矜恤庶獄罪疑惟輕從未諭令該部將秋讞案件嚴行勘覈夫律文自有正條該督撫臬司等辦理各案並不援照

科斷轉引他條遷就定擬謂非有心輕減而何  
護庇兇犯不顧死者含冤妄謂積陰功不知獲  
罪愈重矣朕所以禁止從重定罪者原指本律  
外再行加等問擬者而言若舍本律而別引他  
條則舛謬滋甚豈協中之義乎況案情內或有  
一線可原之處朕於勾到時自有權衡該督撫  
等總當一律定擬不得率行未減人命至重豈  
容稍有偏畸向例秋審失入一案及失出五案  
者督撫臬司均有處分嗣經降旨寬貸各省大

吏自因吏議既寬更無瞻顧考成之慮遂爾遇事從輕欲博寬厚之名而不思辟以止辟之道於明刑弼教大有關係嗣後著該部將辦理秋審失入一案及失出五案者仍前定例處分俾職司刑讞者各知儆惕遇事庶加詳慎本年係發令之初所有此次定擬實緩錯誤失入一案及失出五案之各省督撫臬司姑從寬免其交議仍於辦理秋審完竣後各傳旨嚴行申飭此後如有定擬錯誤者均照定例議處但各直省

督撫等不可因有此旨輒又有意過嚴致失持平之意若妄事周内則獲咎更重總當詳覈案情確引律條虛衷定讞務期無枉無縱以副朕執法用中諄諄訓誡至意

十月二十三日奉

諭旨朕欽恤庶獄明慎用刑平日於各直省及法司衙門讞獄奏上無不折中平允至於秋朝審勾到關繫尤重朕先於進呈黃冊反覆審觀定其應勾不應勾猶恐權衡稍有未當每逢勾到

之辰必默參天時氣候以驗用刑之能否協中  
誠以好生大德

天人相與之際甚可畏也此次朝審勾到有關靈一  
起係於本月十七日補進黃冊朕初以該犯敢  
在禁城之內放爆裝傷誣賴情節甚重自應予  
勾迨昨 下午時分風色稍覺陰寒朕因此動  
念復加詳覈該犯因家道苦寒不能聊生一時  
於該班處所裝傷妄拏希冀邀賞其所妄拏之  
籍與該犯素不相識並無挾仇陷害情事設

或藉陞因此身受苦累釀成命案則關靈亦無  
可曲宥今籍陞於到案之日即行訊明旋就省  
釋是該犯亦無拖累人命之事較之本年斬犯  
克升額亦因家貧發掘祖母墳墓圖取金銀首  
飾者其情節輕重懸殊且該犯並不敢肆為盜  
竊等事惟委係貧苦情急糊塗尚可寬其一線  
是以酌定免勾而天氣旋就清朗本日勾到風  
日融和是朕辦理庶獄務求至當之心早邀  
天鑒敬凜益深所有內外問刑衙門俱當深體朕意

不獨引律斷罪不可稍涉偏畸而事關命案亦不可令死者含冤地下總一慎重民命之意也將此通諭知之

聖製閱秋審情實冊有作

辛亥

兩年案牘一年披

每逢正壽之年各省秋審情實之案例予停刊今歲並閱上年秋審

內無寧畧刻無非道疲慎在虞書訓明弼難循梵典說慈悲其生其死實自取或寬或嚴非我為曾曰哀矜而勿喜幼齡成誦老勤斯

御製慎刑詩 壬戌



民生鮮守禮逞欲干憲章不忍一朝忿遂致身  
敗亡律設由自取平心所得詳嚴酷周過當姑  
息亦乖常廢法縱凶暴猛厲苦善良明刑庶可  
理期於咸中慶哀矜而勿喜敬體古聖王亟欲  
俗淳厚幹運祈

上蒼秋織為一歲用刑之大綱求其可生者凡七而  
得一焉蓋情竇免勾者百有餘犯竇法者六百  
餘不敢不慎也然計用兵之所誅者豈可以倍  
於平時乎良用惻於予衷庶望上蒼之默佑  
而速歲其申也

國朝宮史續編卷之三十七

典禮三十一

宴賓一

皇太后宴儀

臣等謹案璿閣孝養禮極尊崇遡自乾隆二十六年以後

高宗純皇帝侍奉

慈宮歲時歡承

椒宴三十六年辛卯恭祝

皇太后八旬茂典敬登前卷慶節儀至若每歲新正

皇太后臨重華宮家宴舊例

上躬詣啟祥門竢迎

寶輦嗣遵

懿旨迎於百子門一切拜跪儀文並

命節勞從簡蓋是時

上壽周甲蕃禧五代繞

膝孺依之愛敬不以

恩諭稍弛而我

皇上冲齡逮事

飴樂孫行實親賄

慈

孝立隆之極則

臣等恭錄

聖製侍宴諸詩按年續載如見曩日

春暉介景庭闈謁肅允宜衍慶於未艾者焉至如捧

觴侍膳禮有恒經已見

宮史前編者不復贅云

聖製新正重華宮侍

皇太后宴詩

壬午

答臘冬冬送喜頻韶年綺宴奉

慈親西池敬進南山壽

八袞初開首歲春火樹銀花迎節物吳童越叟望時  
巡

宮中行樂同天下

聖母康寧萬福臻

聖製新正重華宮侍

皇太后宴詩

癸未

家宴開初歲稱觴獻

聖慈瑤屏百壽字銀燭九華枝物色行看鬯春聲總  
是怡敢云

天瑞鼎恒願祝

鴻釐

聖製新正重華宮侍

皇太后宴詩

甲申

東郊昨日始迎春北闕今朝迓

鳳輪寶榼珠盤酬節令紅芽翠莢總鮮新

宮中堯舜鴻禧甲

膝下陽和燕語申詎為

慈遊事華衍天經欲示萬方人

聖製新正重華宮侍

皇太后宴詩

乙酉

西望瑤池降

鳳輿新正佳祉萃彤廬千春進爵期無射

萬壽如山願有餘寶鴨篆凝噴瑞柏金雞鰓踏燦祥

葉昇平漫議過華衍今歲承

歡此復初

聖製新正重華宮侍

皇太后宴詩

丙戌

新正家宴迓新禧歲歲承

歡始此時旭日正輝三秀草光風不動萬年枝綵衣  
喜顧孫曾長壽酒翹歌

福祿宜先節華燈陳入席忻隨

鳳輦步遲遲

聖製新正重華宮侍

皇太后宴詩

戊子



鳳輿西望降

慈寧春慶重華祝

福齡養

志要惟安海宇承

歡端是始家庭稱觴正對萬年柏映砌方舒八葉棠  
入夕九華輝永巷新蟾照影似為停

聖製新正重華宮侍

皇太后家宴作

己丑

初歲開韶淑景妍長街振

輦步花甃承

歡膝下始今日行

樂宮中例萬年四海九州共

尊養

一堂五世見曾元月華雪彩相輝映喜沃心田作福

田

聖製新正重華宮侍

皇太后宴即景成什誌慶

庚寅

家宴重華例有常承

歡首歲肇千祥條風東陸暄初布愛日南陔晝漸長

恩謂六旬寬禮數

奉

拜之儀

慈諭

一切跪

誠惟

萬壽祝康強瓦駕積玉山鼇暎

慈顧應知喜倍慶

聖製正月二日重華宮恭侍

皇太后宴喜成長句

辛卯

月寅年卯日逢辰

是日甲辰合以歲支月建皆東方發生之氣

壽域宏開茂以新

晉書天文志十二次度數壽星在辰史記卯為茂漢書辛為新

大德之徵四胥得

洪疇曰福一先掄重增綺甲普增歲

命欽天監於時憲書紀年下增

注六十一歲至百二十歲自今歲辛卯始

共慶禧冬豫慶春入夕眉蟾雖

未上迎階雪象朗如銀

聖製正月初六日重華宮恭侍

皇太后家宴詩

壬辰

官家仍是說前家首祚承

歡莫此加階玉有莫惟六葉蕊珠無樹不三花邨嬾繞

膝曾元閣共喜延

齡歲月餘一刻千金真在是春宵寧為賞燈華

聖製新正重華宮侍

皇太后宴即事成近體

癸巳

上正令節迓初韶

田家五行以正月初三日為上正三節曰上者尊歲首曰三節者謂

夏建寅正或又稱夏正三也

家宴重華繼頌椒六十開三子皇帝

八旬有二母東朝遍翻古史曾誰比賓沐

天庥用是昭不許外人知小矣萬方同樂始宮寮

聖製正月二日重華宮侍

皇太后宴詩

甲午

開年日吉復時良明炳還同月德昌  
月丙寅是日丙辰漢書明炳於

西閭瑯輿迎繹繹青宮

華袞侍煌煌椒蕃歲實扶屏麗梅放春花合殿香

聖壽益增心益慕

膝前虔祝共

天長

聖製正月二日重華宮侍

皇太后宴喜而成什  
乙未

青宮

家宴啟開年喜領曾元統

座前

母子壽登百五十古今瑞越世三千猗猗雪象迎春  
踞璀璨銀花入夕燃扶

輦長街壽康返

壽康宮所恒燕寢之

聖母處也明朝問

寢倍欣然

聖製新葺寧壽宮落成於新正二日恭侍

皇太后宴敬紀八韻

丙申

元旦率羣辟

東朝典禮循翼辰呈曲讌首祚

笑言親寧壽慶成落

禎祥邀錫中妃嬪陪肅肅孫子集振振

鳩杖全無藉

鳩杖恭

皇太后步履康健雖製玉

兕觥奉

有倫

高年健太極行樂信天真此日盱宵志他時宴息身

期仍斯侍

膝永祝萬千春



聖製正月二日重華宮侍

皇太后宴詩

丁酉

瑤池西望降

鸞軒

慈旨恭迎百子門

向年恭迎  
門通歲蒙

皇太后例於啟祥  
聖母憐予遠步

數

命迎於百子門  
武即重華宮也

翼旦開筵循例著

萬年侍膝祝心存

萱幃奕奕延禧永  
蓀砌振振衍慶繁  
歷數古今誰似  
此益欣益敬籲

天恩

乾清宮

家宴儀

歲正月元旦及諸令節

皇帝萬壽慶辰乾清宮

家宴宮殿監豫期奏

聞既承

旨飭諸司供備屆日設

皇帝御筵於寶座前設

皇后寶座宴席於

御座東次稍後左右設

皇貴妃 貴妃 妃 嬪宴席東西向俱北上

屆時宮殿監奏請

皇后率

皇貴妃以下俱吉服詣宴位祇跪

皇帝升座

皇后以下就位次跪行一拜禮作樂進宴如儀

詳見

前編

皇帝進酒時

皇后以下各出座跪行一拜禮宴畢

皇后以下出座謝宴行二肅一跪一拜禮

皇帝啟座還便殿

皇后以下各還本宮

皇后千秋宴儀

皇后千秋於本宮筵宴宮殿監豫期奏

聞既承

旨飭諸司供備屆日設

皇后御筵於寶座前設

皇貴妃 貴妃 妃 嬪宴席於左右東西向

俱北上屆時宮殿監啟請

皇貴妃以下具吉服詣宴位祇俟

皇后升座

皇貴妃以下就位次跪行一拜禮作樂進宴如

儀

詳見前編

皇貴妃詣

皇后前進酒

貴妃以下各出座跪行一拜禮宴畢

皇貴妃以下出座謝宴行二肅一跪一拜禮

皇后啟座還後宮

皇貴妃以下各還本宮

皇貴妃千秋宴儀

皇貴妃千秋日同

貴妃 妃 嬪宴於本宮

皇貴妃升座

貴妃等位各依次入座進宴如儀

詳見前編 宮殿監

進酒時

貴妃等位各於坐次行一拜禮宴畢行禮如初  
皇貴妃啟座還後宮

貴妃等位各還本宮

貴妃千秋宴儀同

皇帝宴位於

太上皇帝寶座東次屈時

太上皇帝升寶座

皇帝蒞宴位率親王以下與宴者行禮獻宴作樂

如常

皇帝進酒時躬詣

太上皇帝寶座前北面跪奉觴上

壽飲畢受爵退復宴位

太上皇帝賜



皇帝酒進爵大臣承

勅旨進酒是樂既闕所司引慶隆舞進按節起舞入

侑餘並如常儀

太上皇帝宴慶隆舞辭

洪惟

太上景福自

天紀元周甲席瑞循環丙辰肇歲

寶命昭膺

吳憲默禱

祖武敬繩初願克符弗踰

前紀誕界

元良丕承

宗祀孟陬朔旦瑞啟

重光

大廷授受申錫無疆精一執中

心傳欽守媲美勲華世躋仁壽古第惟

聖握符張嚴昭事肅肅

泰壇博稱殷禮

南郊就位有舉必

躬祈

辛卜稼祭

雩占龍陟降

靈祇稍饗盱衡四序鈞調百神歡享雨暘寒燠日風

曰時八徵

敬念九寓醇熙

壽增上考弗懈益虔

茂膺多祐翁應蕃駢

右第  
二章

猷烈顯承福基萬億對越

在天升馨昭格

羹牆中慕

彝訓式欽晨興惕若

寶錄披尋

四涖陪都

殊邱展謁

締構艱難緬維

開國威宣弧矢化肅冠裳祇循

前典曰篤不忘繼繼繩繩昭哉

嗣服於萬斯年錫祿祉福石亭

聖人勅政綜攬萬幾

至誠悠久惟日孜孜乃

壽徵健為

乾體洞照八埏勵精寸晷升毫

批奏彤陛延英劬農

履耜展義

巡行相度塘隄於河於海

肆武習勅

齊藩宣愷

純亦不已用介

大年貞恒保泰往牒孰肩右第民應如阜

聖澤如春大鈞默運宙合同仁五免丁糧三蠲庾米

豁欠寬徵

恩覃肌髓爰

詔稼穡普及封圻偏隅有告

大賚龐施民隱燭微吏猷選最岸獄平反拊循攸賴

國朝文獻公集卷之四

乾坤燾載日月照臨莫名

帝力允亨

天心

右第五

聖謨廣運

文德誕敷道隆金鏡象麗瑤樞禮正圖編詩麓樂府

四庫分排七閣崇貯

講筵著論史鑑

宣評園橋集鼓泐石橫經

文薈三千

詩良五萬雲漢渾章日星炳煥

作人敦敦

恩榜駢聯梗枿杞梓良材蔚然

古希  
六章

皇猷赫濯載贊

武功殊方奉朔遯裔從風準部回疆

天戈疊指二萬輿圖宅畋斯啟金川再定卽焚犁庭

樓船震憚海濤救寧緬孟叩關交趾貢闕衛

藏安禪徽夷向日

鴻敷十告馳驟禹湯苗頑率服



續繼紫光

右第七章乾九五福惟

帝時永

億齡瑞啟奕葉祥凝

寶篆十全

堂顏四得甲子稽曉貞元衍易洪開

壽寓迭舉耄延珍服闡繹景緯昭宣惟

德之基惟

福之積芝檢文輝羅圖慶溢九如曼羨八表藩籙

重輪繼照光我

皇儀

右第  
八章

太上立德成五登三

崇稱却讓

湛澤均覃動植蕃昌得羸熙洽

予帝承

顧來第引牒祥源益溥慶祚洪延瑤圖計紀殊斗輝

躍

純嘏緝熙

康彊逢吉光啟

帝期永綏

皇極會元章部正載經畎頌齊

聖算長頌臺萊

右弟九章